

(1) RUNYANKORE/RUKIGA LEAFLET ON THE ROOT OF ALL EVIL
EBIKURU OMUMAZIMA AHA BAIBULI
OMUZI GW'EBIBI BYONA.
OKUHABURA KWA BAIBULI AHA BY'EMPIIHA

Kworaheze kushoma akatabo aka, noiya kugarukwamu aha bibuzo ebi:

1. Omuzi gw'ebibi byona n'enki?
2. Ntekatekaki y'ensi aha by'empiiha?
3. Omukurisitayo ashemerire kutwaza ata aha mpiiha?

1. EMPIIHA NIZIBAASA KUBA NUNGI NARI MBI.

“Empiiha n'omuzi gw'ebibi byona”- abantu baingi nibateekateeka ngu nikwo Baibuli erikwegyesa. Kwonka tibahikire. Shoma 1 Timiseo 6:10. “Okwetenga empiiha n'omuzi gw'ebibi byona”. Yesu akatugambira ngu “Amaganya g'ensi egi n'okubeihwabeihwa obutungira bwayo nibinyuruza ekigambo”. (Matayo 13:22)

Empiiha zo timbi. Ahatarizo amagara aga agabutosha tigakubasikire. Empiiha nizo zikozesibwa kugura eby'okurya, ebijwaro, omuby'obwegyese hamwe n'okwombeka eka. Nizikozesibwa okuyamba abarwaire nabari omumyaka ya bukuru.

Orundi orubaju nizibasa kuzozesibwa omu bintu by'ebihagaro. Nizibaasa kuretera omuntu yagira obushoborozi aha bandi bantu, n'okubarebesa enaku, n'obumwe-abantu abo behwa amatsiko n'ebyo ebi baine, beetenga kwetungira obugaiga bw'ensi egi oburikuhweho. Empiiha niziba mbi zakozesibwa kubi.

2. ENTWAZA Y'ENSI AHABY'EMPIIHA

Omuntu w'ensi ayine ekigyendererwa kimwe:

Okwetungira empiiha nyingi n'ebintu ebirikugurwa empiiha omubwire oburikurahuka kandi omumuringo gwona ogurikubasika ogw'oroobi. Okwenda empiiha omubwingi n'ebintu by'ensi egi, Yesu nabyeta “okweteenga”

ekigambo ekirikumanyisa ekihiika ky'okw'ongyerwaho,okupangiriira ebintu,okuzana zara, obutashashura mushoro gw'entaasya, okugaruruza omuguzi empiiha zitahikiire, abakozi kubeiha n'okwiba abakozesa, nibyo bimwe by'okureberaho by'okwetenga. Ebihagaro ebi biriho ahakuba bamwe aha bashaija n'abakazi aba takahindwire mitima yabo baijwire okweyendeza.

Omuntu orikwenda kutina Ruhanga kandi ngu agume amazirwe ebi aine naguma narwanisa okwetenga kwe bintu by'ensi. (Luke 12:15).

Hariho abantu baingi abiine amaju marungi, emotoka, hamwe n'ebintu ebindi, kwonka bambe omumitima yaabo bari abarwire, hatinemu kushemererwa hamwe n'okumarwa, Paulo eki arikweta "Okwetenga kubi ni nko okuramya ebishushani" (Abakolosai 3:5). Namanyisa ngu omuntu w'ensi nahindura ebintu ebi aine nari ebyarikwenda kutunga ruhanga we, nari ebi arikwenda kutunga ayebwa ogwe Ruhanga owa mazima.

3. AMARYO

Empiiha obutosha zikozesibwa kubi abantu abo abarikwemanya barikwenda ngu abandi bantu babamanye nk'abomutano. Abamwe nibashohoza empiiha n'ezirengire ezibakubire nibashohoza aha bw'okwetungura; beshanga bagwire n'omumabanja mingi. 1 Timoseo 6:9

4. OKUTWAZA KW'OMUKRISTAYO AHA MPIIHA

Omukuristayo ashemerire kugira empiiha ezayetungire omumihanda y'obwesigwa. Baibuli teyine nakigambo kimwe kirungi ahari abo abagara abarikwenda gu babeho ahatutu zabagyenzi babo. 2Abatesolonika 3:10.

"Omuntu weena ku araabe atarikwenda kukora, arekye n'okurya."

Omuntu ogwe ashemerire akore n'amaani, arikukoresa emikono ye emirimo mirungi abone kutunga eby'okuha abooro, (Abeefeso 4:28). Paulo n'omwe aha ky'okureberaho, nobu arabe yabaire ari omutume, kwonka akakozesa

emikonoye yaba arikubaziira amahema, ngu areke kurusya abo abuyabaire naburiira.

Empiiha zibanze kukoze sibwa omukugura eby'okurya n'ebindi ebirikwetagisa omu maka, hamwe n'omukushoma kwa baana. Abamwe abaana nibasiba enjara ahakuba baishebo empiiha nibazimarira omukunywa ebirikusinza, obundi banyinabo bazimarira omukugura ebijwaro birikumaraho empiiha nyingi n'okukoresa amashokye. Abantu b'omuringo ogwe nibashisha omumaisho ga Ruhanga.

5. OKUHA RUHANGA.

Omubiro by'endagano enkuru, Abayudaya bakaba baha kimwe kikumi ky'entansya yaabo ky'obuhereza bwa Hekalu. Kimwe kikumi kikaba kiri nk'omushoro gw'entasya gw'okushashura abegyesa, abaramuzi n'abandi bantu, abarikwetengyesa. Abayudaya aba, bakaba bahayo ebihebwayo byabo bekundire, baba bagire kuramya Ruhanga. Bakaba bataza mumasho ga Mukama baine engaro-nsha.

“Buri muntu aryaguma ahe nk'oku arikubaasa, nk'omugisha ogu Mukama Ruhanga waawe ariba amuhairi okuguri, (Eky'ebiragiro 16:16,17)”.

Okuha oyekundire n'eky'okureberaho aha bakuristayo. I Abakorinso 16:2. Abaishemwe bakaba beeterana kubega omugati ahakiro ky'okubanza omu sabiiti. Ebyakozirwe Entumwa 20:7. Ahakiro nikyo kimwe bakaba bahayo ebihebwayo byabo. Okuhayo nk'oku nigwo muringo gw'okworeka okusiima Ruhanga aha bwe kiconco ky'okusaasira ebibi byaitu omuri Kristo.

6. OBWESIGWA

Omukuristayo owamazima ashemerire kuba omwesigwa omu bintu by'empiiha. Abo abesigwa nibo Yesu arikwatsa obutungu obwamazima, nigo

amagara agatahwaho omu Bukama bwa Ruhanga (Luke 16:11) Omwegi wa Kristo owamazima ayihura eibanja ahonaho, kandi tirimweba. Mutarigira eibanja ryona aha muntu. (Abarooma 13:8).

Omukuristayo orikubura kushashura eibanja rye (kwaba kutarikuremererwa kw'obworo) nikubarwa omu maisho ga Ruhanga, nk'obunyagi (Tito 2:10). Nahabwekyo nikirungi okukozesa kurungi empiiha, aharubaju rwaitu n'abantu abandi obwo turikworeka okuturi abesigwa omuri Kristo. Kukaba kuri enkwata mbi y'empiiha ekyarugiremu okufa kwa Anania na Safira, (Ebyakozirwe Entumwa 5:1-11).

7. EKY'OKUREBERAHO EKY'OMUTANO

Yesu kuyabaire naza kutworeka eky'okureberaho omukukozesa empiiha aha bw'ekitinwa kya Ruhanga, akatorona oha? Omugaiga rurangwanwa, orikubasa kwombeka amashomero, amarwariro namabikiro g'ebitabo? Ngaha, akoreka omufaakazi omworo owahire obwoma bubiri (Empiiha ezabaire nizikirayo obukye) nk'ekiconco ayekundire. Kikye, kwonka kirikukira ebiconco ebingi ahakuba nizo mpiiha ezi yabaire ayiine zonka. Omufaakazi ugu n'eky'okureberaho aharitwe ahakuba akamanya okuhereza Ruhanga ngu nikikira obutungira bw'ensi egi.

Waba noyenda okumanya bingi ebikwatirine n'okwegyesa Baibuli, enyikiriza ya Christadelphians tugambire.

Buza abaishemwe ba Yesu abakuri haihi ninga handiikira Christadelphian Bible Mission, c/o 404 SHAFTMOOR LANE, BIRMINGHAM B28 8SZ, UK.

OR

CBM UGANDA (WESTERN)

P.O. Box 885,

MBARARA – UGANDA.